



**АКАФИСТЫ
ЧТОМЫЕ В БОЛЕЗНЯХ
СКОРБЯХ
И ИСКУШЕНИЯХ**

Сборник

**Акафисты, чтомые в болезнях,
скорбях и искушениях**

«Данилов мужской монастырь»

2018

УДК 271.2
ББК 86.372

Сборник

Акафисты, чтомые в болезнях, скорбях и искушениях /
Сборник — «Данилов мужской монастырь», 2018

ISBN 978-5-89101-657-6

В книге собраны акафисты Иисусу Сладчайшему, пред иконами Божией Матери «Утоли моя печали», «Умягчение злых сердец», «Всех скорбящих Радость», святителю Николаю Чудотворцу, великомученику и целителю Пантелеймону. Акафисты читают, чтобы особо помолиться Господу, Пресвятой Богородице или святому, выразить свои любовь и почитание, а часто и в утешение себе или прося помощи в каком-то трудном деле, тяжелой жизненной ситуации.

УДК 271.2

ББК 86.372

ISBN 978-5-89101-657-6

© Сборник, 2018

© Данилов мужской монастырь, 2018

Содержание

Акафист Иисусу Сладчайшему	6
Конец ознакомительного фрагмента.	12

Акафисты, чтомые в болезнях, скорбях и искушениях

Редактор-составитель Татьяна Петрова



ДОПУЩЕНО К РАСПРОСТРАНЕНИЮ ИЗДАТЕЛЬСКИМ СОВЕТОМ РУССКОЙ
ПРАВОСЛАВНОЙ ЦЕРКВИ
ИС Р17-713-0494



Данилов мужской монастырь

978-5-89101-657-6 2018

Акафист Иисусу Сладчайшему

Кондак 1

Возбраннй Воеводо и Гбсподи, ада победителю, яко избавлься от вчнныя смърти, похвальной восписую Ти, создание и раб Твой; но, яко имей милосердие неизреченное, от всяких мя бед свободи, зовуща: Иисусе, Сыне Божий, помилуй мя.

Икос 1

Ангелов Творче и Гбсподи сил, отвързи ми недоуменный ум и язык на похвалу пречистаго Твоего имени, якоже глухому и гугнивому древле слух и язык отвързл еси, и глаголаше зовый такова:

Иисусе пречудный, Ангелов удивление;

Иисусе пресильный, прародителейизбавление.

Иисусе пресладкий, патриархов величание;

Иисусе преславный, царей укрепление.

Иисусе прелюбимый, пророков исполнение;

Иисусе предивный, мучеников крепосте.

Иисусе претихий, монахов радости;

Иисусе премилостивый, пресвитеров сладосте.

Иисусе премилосердый, постниковвоздержание;

Иисусе пресладостный, преподобных радование.

Иисусе пречестный, девственных целомудрие;

Иисусе предвечный, грешников спасение.

Иисусе, Сыне Божий, помилуй мя.

Кондак 2

Видя вдовицу зельне плачущу, Гбсподи, якоже бо тогда умилосердився, сына ея на погребение несома воскресил еси: сице и о мне умилосердися, Человеколюбче, и грехми умерщвленную мою душу воскреси, зовущую: Аллилуия.

Икос 2

Разум неурзуменный разумети Филипп ища: Гбсподи, покажи нам Отца, глаголаше. Ты же к нему: толикое времясыи со мною, не познал ли еси, яко Отец во мне, и аз во Отце есмь? Темже, неизследованне, со страхом зову Ти:

Иисусе, Бже предвечный;

Иисусе, Царю пресильный.

Иисусе, Владыко долготерпеливый;

Иисусе, Спасе премилостивый.

Иисусе, хранителю мой преблагий;

Иисусе, очисти грехи моя.

Иисусе, отыми беззакония моя;

Иисусе, отпусти неправды моя.

Иисусе, надеждо моя, не остави мене;
Иисусе, помощниче мой, не отрини мене.
Иисусе, Создателю мой, не забуди мене;
Иисусе, Пастырю мой, не погуби мене.
Иисусе, Сыне Божий, помилуй мя.

Кондак 3

Силою свыше апостолы облекий, Иисусе, во Иерусалиме седящая, облецы и мене, обнаженнаго от всякаго благотворения, теплотою Духа Святаго Твоего и даждь ми с любовью пети Тебе: Аллилуия.

Икос 3

Имеяй богатство милосердия, мытари и грешники, и неверныя призвалеси, Иисусе; не презри и мене ныне, подобнаго им, но, яко многоценное миро, приими песнь сию:

Иисусе, сило непобедимая;
Иисусе, милосте безконечная.
Иисусе, красот пресветлая;
Иисусе, любви неизреченная.
Иисусе, Сыне Бога Живаго;
Иисусе, помилуй мя грешнаго.
Иисусе, услыши мя в беззаконных зачатого;
Иисусе, очисти мя во гресех рожденнаго.
Иисусе, научи мя непотребнаго;
Иисусе, освети мя темнаго.
Иисусе, очисти мя сквернаго;
Иисусе, возведи мя блуднаго.
Иисусе, Сыне Божий, помилуй мя.

Кондак 4

Бурю внутрь имеяй помышлений сумнительных, Петр утопаше; узрев же во плоти Тя суща, Иисусе, и по водам ходяща, позна Тя Бога истиннаго и, руку спасения получив, рече: Аллилуия.

Икос 4

Слыша слепый мимоходяща Тя, Господи, путем вопияше: Иисусе, Сыне Давидов, помилуй мя! И, призвав, отверзл еси очи его. Просвети убо милостию Твоею очи мысленныя сердца имене, вопиюща Ти и глаболюща:

Иисусе, вышних Создателю;
Иисусе, нижних Искупителю.
Иисусе, преисподних потребителю;
Иисусе, всея твари украсителю.
Иисусе, души моея утешителю;
Иисусе, ума моего просветителю.
Иисусе, сердца моего веселие;

Иисусе, тѣла моего здравіе.
Иисусе, Спасе мой, спаси мя;
Иисусе, свѣте мой, просвети мя.
Иисусе, муки всякія избави мя;
Иисусе, спаси мя, недостойнаго.
Иисусе, Сыне Божий, помилуй мя.

Кондак 5

Боготочноу Крѣвию якоже искупил еси нас дрѣвле от законныя клятвы, Иисусе, сице изми нас от сѣти, ею же змий запят ны страстьми плотскими, и блудным наваждѣнием, и злым уныніем, вопиющія Ти: Аллилуія.

Икос 5

Видевше ѡтроцы еврейстии во ѡбразе человечестем Создавашаго рукою человека, и Владыку разумевше Егѡ, потщашася ветвьми угодити Емѹ, осанна вопиюще. Мы же песнь приносим Ти, глаголюще:

Иисусе, Боже истинный;
Иисусе, Сыне Давидов.
Иисусе, Царю преславный;
Иисусе, Агнче непорѡчный.
Иисусе, Пастырю предивный;
Иисусе, хранителю во младостимоей.
Иисусе, кормителю во юности моей;
Иисусе, похвалѡ в старости моей.
Иисусе, надежде в смерти моей;
Иисусе, животѣ по смерти моей.
Иисусе, утешение мое на судѣ Твоем;
Иисусе, желаніе мое, не посрами мене тогда.
Иисусе, Сыне Божий, помилуй мя.

Кондак 6

Проповѣдник богоносных вѣщаніе иглаголы исполняя, Иисусе, на земли явлься и с человеки Невместимый пожил еси, и болезни наша подъял еси, отнюдуже ранами Твоими мы исцелѣвше, пѣти навькохом: Аллилуія.

Икос 6

Возсия вселенней просвѣщеніе истины Твоея, и отгнася лесь бесѡвская: идоли бо, Спасе наш, не терпяще Твоея крѣпости, падѡша. Мы же, спасеніе получивше, вопием Ти:

Иисусе, истинно, лесь отгоняющая;
Иисусе, свѣте, превьшший всех свѣтлостей.
Иисусе, Царю, премогай всех крѣпости;
Иисусе, Боже, пребывай в милости.
Иисусе, Хлѣбе Животный, насыти мя алчущаго;
Иисусе, источникѣ разума, напои мя жаждущаго.

Иисусе, одеждо веселія, одей мя тленнаго;
Иисусе, покрове радости, покрый мя недостойнаго.
Иисусе, подателю просящим, даждь мне плач за грехи моя;
Иисусе, обретеніе ищущим, обрящи душу мою.
Иисусе, отверзителью толкущим, отвързи сердце мое окаянное;
Иисусе, Икупителю грешных, очисти беззаконія моя.
Иисусе, Сыне Божий, помилуй мя.

Кондак 7

Хотя сокровенную тайну от века открыти, яко овча на заколеніе веден был еси, Иисусе, и яко агнец прямиотригущаго его безгласен, и яко Бог из мертвых воскресл еси, и со славою на небеса вознеслся еси, и нас совоздвигл еси, зовущих: Аллилуія.

Икос 7

Дивную показати тварь, явлейся Творец нам: без семени от Девы воплотися, из гроба, печати не рушив, воскресе, ико апостолом, дверем затворенным, с плотию вниде. Темже чудящися, воспойм:

Иисусе, Слове необыменный;
Иисусе, Слове несоглядяемый.
Иисусе, сило непостижимая;
Иисусе, мудросте недомыслимая.
Иисусе, Божество неописанное;
Иисусе, господство неисчетное.
Иисусе, царство непобедимое;
Иисусе, владычество безконечное.
Иисусе, крепосте высочайшая;
Иисусе, власти вечная.
Иисусе, Творче мой, ущедри мя;
Иисусе, Спасе мой, спаси мя.
Иисусе, Сыне Божий, помилуй мя.

Кондак 8

Странно Бога вочеловечшася видяще, устранимся суетнаго мира и ум на Божественная возложим. Сего бо ради Бог на землю сниде, да нас на небеса возведет, вопиющих Ему: Аллилуія.

Икос 8

Весь бе в нижних, и вышних никакоже отступил Неисчетный, егда волею нас ради пострадал, и смертию Своею нашу смерть умертвил, и воскресением животдарова поющим:

Иисусе, сладосте сердечная;
Иисусе, крепосте телесная.
Иисусе, светлосте душевная;
Иисусе, быстрото умная.
Иисусе, радосте совестная;

Иисусе, надеждо известная.
Иисусе, памяти предвечная;
Иисусе, похвалó высокая.
Иисусе, славо моя превознесенная;
Иисусе, желание мое, не отри ни мене.
Иисусе, Пастырю мой, взыщи мене;
Иисусе, Спасе мой, спаси мене.
Иисусе, Сыне Божий, помилуй мя.

Кондак 9

Все естество ангельское безпрестани славит пресвятое имя Твое, Иисусе, на небеси: Свят, Свят, Свят, вопиюще; мы же, грешнии на земли бранными устнами вопием: Аллилуия.

Икос 9

Вития многовещанная яко рыбы безгласная видим о Тебе, Иисусе, Спасе наш: недоумеют бо глаголати, како Бог непреложный и человек совершенный пребываеши? Мы же тайнству дивящиеся, вопием верно:

Иисусе, Бже предвечный;
Иисусе, Царю царствующих.
Иисусе, Владыко владеющих;
Иисусе, Судие живых и мертвых.
Иисусе, надеждо ненадежных;
Иисусе, утешение плачущих.
Иисусе, славо нищих;
Иисусе, не осуди мя по делом моим.
Иисусе, очисти мя по милости Твоей;
Иисусе, отжени от мене уныние.
Иисусе, просвети моя мысли сердечныя;
Иисусе, даждь ми память смертную.
Иисусе, Сыне Божий, помилуй мя.

Кондак 10

Спаси хотя мир, Востоце востоком, к темному западу – естеству нашему пришед, смирился еси до смерти; темже превознесся имя Твое паже всякаго имени, и от всех колен небесных и земных слышиши: Аллилуия.

Икос 10

Царю превечный, Утешителю, Христе истинный, очисти ны от всякия скверны, якоже очистил еси десять прокаженных, и исцели ны, якоже исцелил еси сребролюбивую душу Закхеа мытаря, да вопием Ти, во умилении зовуще:

Иисусе, сокровище нетленное;
Иисусе, богатство неистощимое.
Иисусе, пище крепкая;
Иисусе, питье неисчерпаемое.

Иисусе, нищих одеяние;
Иисусе, вдов заступление.
Иисусе, сирых защитниче;
Иисусе, труждающихся помощи.
Иисусе, странных наставниче;
Иисусе, плавающих кормчий.
Иисусе, бурных отишие;
Иисусе Бже, воздвигни мя падшаго.
Иисусе, Сыне Бжий, помилуй мя.

Кондак 11

Пение всеумиленное приношу Ти недостойный, вопию Ти яко хананеа: Иисусе, помилуй мя; не дочь бо, но плоть и мам страстьми люте бесящуюсяи яростию палимую, и исцеление даждь вопиющу Ти: Аллилуия.

Икос 11

Светоподательна светильника сущим во тьме неразумия, прежде гоняй Тя Павел, бого-разумнаго гласа силу внушии душевную быстроту уясни; сице и мене темныя зеницы душевныя просвети, зовуща:

Иисусе, Царю мой прекрепкий;
Иисусе, Бже мой пресильный.
Иисусе, Господи мой пребезсмертный;
Иисусе, Создателю мой преславный.
Иисусе, Наставниче мой предобрый;
Иисусе, Пастырю мой прещедрый.
Иисусе, Владыко мой премилостивый;
Иисусе, Спасе мой премилосердый.
Иисусе, просвети моя чувства, потемненные страстьми;
Иисусе, исцели мое тело, острупленное грехми.
Иисусе, очисти мой ум от помыслов суетных;
Иисусе, сохрани сердце мое от похотей лукавых.
Иисусе, Сыне Бжий, помилуй мя.

Кондак 12

Благодать подаждь ми, всех долгов решителю, Иисусе, и прими мя кающася, якоже приял еси Петра, отвергшагося Тебе, и призови мя унывающего, якоже древле Павла, гоняща Тя, и услыши мя, вопиюща Ти: Аллилуия.

Икос 12

Поюще Твое вочеловечение, восхваляем Тя вси, и веруем со Фомю, яко Господь и Бог еси, седяи со Отцем и хотяи судити живым и мертвым. Тогда убо сподоби мя деснаго стояния, вопиющаго:

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.